

Хорижий инвестицияларни жалб этиш агентлигининг
2023 йилдаги фаолияти бўйича таҳлилий
ҲИСОБОТ

I. 2023 йилнинг январь-декабрь ойларида **Инвестициялар, саноат ва савдо вазирлиги хузуридаги Хорижий инвестицияларни жалб этиш агентлиги** томонидан хорижий инвестор ва консалтинг компаниялари билан **49 та юзма-юз** ва **13 та ВКА** форматидаги учрашувлар ўтказилди. Шу жумладан, **АҚШ, Буюк Британия, Исроил, Германия, Словения, Қатар, Эрон, Малайзия, Россия Қозоғистон, Хитой, Сингапурлик** инвесторлар билан ҳамкорлик алоқалари ўрнатилди ва учрашувлар ўтказилди:

– Қатарнинг **“Baladna”** компанияси билан биргаликда **сут ва сут маҳсулотларини ишлаб чиқариш** бўйича инвестиция лойиҳасини (**500,0 млн АҚШ доллари**) амалга оширишга жалб этиш чоралари кўрилди. Ҳозирда мазкур компания ва **Қишлоқ хўжалиги вазирлиги** ўртасида музокаралар давом этмоқда.

– Германиянинг **“Giersch”** ва **“TEC-Components”** компанияси билан **“Технопарк”** ҳудудида электротехника маҳсулотларини ишлаб чиқариш лойиҳасини (**10,0 млн АҚШ доллари**) амалга ошириш бўйича меморандум имзоланди.

– Россиянинг кимёвий воситалар ишлаб чиқарувчи **“Грасс”** компанияси ва **қишлоқ хўжалиги маҳсулотларини тайёрловчи “Белая дача”** компаниялари билан Ўзбекистон Республикаси ҳудудида инвестиция лойиҳасини амалга ошириш юзасидан музокаралар олиб борилмоқда.

II. Халқаро ҳамкорлик бўйича Мисрнинг Инвестициялар ва эркин ҳудудлар бўйича Бош бошқармаси ва Сингапурнинг “Enterprise Singapore” ташкилотлари билан **англашув меморандумлари** имзоланди ва келишувлар доирасида амалий чора-тадбирлар амалга оширилмоқда.

Шунингдек, **Ўзбекистон-Озарбайжон** инвестиция фонди учун умумий қиймати **368,7 млн долларлик 15 та** инвестиция лойиҳавий таклифлари тайёрланди.

III. Ҳудудларни ўрганиш бўйича 4-7 январь кунлари **Инвестициялар, саноат ва савдо вазири Л. Кудратов** топшириғига асосан **8 та** ҳудудда **Агентликнинг 12 нафар** ходими **Ҳудудларда саноат салоҳиятини ривожлантириш, корхоналарга кўмаклашиш ҳамда саноат ишлаб чиқаришини кенгайтиришни таъминлаш юзасидан шакллантирилган ишчи гуруҳлар фаолиятида** иштирок этилди.

Шунингдек, жорий йилнинг январь-сентябрь ойлари давомида **Фарғона, Сурхондарё, Самарқанд, Сирдарё, Қашқадарё, Хоразм, Андижон, Бухоро, Навоий ва Тошкент вилоятларида**, шунингдек **Қорақалпоғистон Республикасида** Ўзбекистон Республикаси Президентининг ҳудудларга ташрифи давомида берилган топшириқлар ижросини таъминлаш мақсадида Ўзбекистон Республикаси Бош вазирининг ўринбосари, Ташқи савдо, инвестициялар, маҳаллий саноатни ривожлантириш ва техник жиҳатдан тартибга солиш масалалари бўйича Ҳукумат комиссияси раиси - Ж.Ходжаев раҳбарлигидаги Ишчи гуруҳлар фаолиятида, хусусан **2023** йилги ижтимоий-иқтисодий кўрсаткичлари ижроси бўйича таҳлилий материаллар тайёрлашда иштирок этилди, шунингдек ҳар бир шаҳар ва туман ҳоқими томонидан ўз ҳудудига **40-50 млн доллар** хусусий инвестиция олиб келиш ҳамда **4-5-тоифага** киритилган туманларни **ижтимоий-иқтисодий ривожлантириш масалалари** ўрганилди ва Ҳукумат комиссиясининг тадбиркорлар билан учрашувларида иштирок этилди.

Самарқанд, Қашқадарё, Сурхондарё ва Андижон вилоятларини ижтимоий-иқтисодий ривожлантириш бўйича жорий йил давомида таклифлар ишлаб чиқиш юзасидан Агентлик ишчи гуруҳ билан ишлар олиб борилди.

IV. Инвестиция лойиҳа таклифларини тарғиб қилиш бўйича Ягона инвестиция порталига (*invest.gov.uz*) умумий қиймати **1,9 млрд АҚШ доллари** миқдоригаги **57 та** янги инвестиция лойиҳалари (*ҳокимликлар, тармоқ вазирлик ва идоралари ҳамда маҳаллий тадбиркорлар*) жойлаштирилди.

V. Республиканинг иқтисодий, ресурс ва инвестицион салоҳиятини кенг тарғиб қилиш бўйича, шу жумладан яратилган қулай шарт-шароитлар, хорижий инвесторларга бериладиган имтиёзлар, афзалликлар ҳақида республика ҳудудида ва хорижда чет эл ишбилармон доиралари, дунёда таниқли компаниялар, инвестиция жамғармалари ва бошқа молиявий институтлар орасида тушунтириш ишлари олиб бориш ҳамда ишбилармон доиралар ўртасидаги инвестициявий ҳамкорликни жадаллаштириш мақсадида инвестиция ва бизнес форумлар, конференциялар, давра суҳбатлари, семинарлар ва бошқа тадбирлар ташкил этилди. Жумладан, жорий йилда **АҚШ, Буюк Британия, Германия, Чехия, Исроил, Грузия, Қатар, Италия, Эрон, Малайзия, Россия, Хитой, Сингапур, Озарбайжон ва Япония** каби мамлакат вакиллари иштирокида **30 дан** ортиқ тадбирлар ўтказилди ва иштирок этилди.

VI. Ходимлар малакасини ошириш бўйича чоралар кўрилди:

22-24 февраль – Агентлик ходимлари **Ўзбекистон Республикаси Президенти ҳузуридаги Статистика агентлигида** малака ошириш курсларида иштирок этилди.

13 ва **15** март – Агентлик учун “IFC” томонидан ташкиллаштирилган халқаро консултант Р. Хейзак тренинги ўтказилди.

30 март – Буюк Британия билан биргаликда Савдо билан боғлиқ инвестиция чоралари тўғрисида битим (TRIMs) бўйича халқаро экспертлар томонидан ўтказилган тренингда иштирок этилди.

19 ва **23** июнь – Ўзбекистон Республикаси Президенти ҳузуридаги Давлат бошқаруви академиясида малака ошириш курсида иштирок этилди.

7-21 июнь – Хитой давлатида Халқаро бизнес вакиллари академияси томонидан ташкил этилган “Глобал ривожланиш ташаббуси доирасида саноат иқтисодиётини юқори сифат билан ривожлантириш” семинарида иштирок этилди.

VII. Ўзбекистон Республикаси Президентининг 2023 йил **21** июлдаги “Маъмурий ислохотлар доирасида инвестициялар, саноат ва савдо соҳасида давлат бошқарувини самарали ташкил қилиш чоратadbирлари тўғрисида”ги **ПФ-111-сон** Фармони билан тасдиқланган “Инвестициялар, саноат ва савдо соҳасидаги ислохотларни чуқурлаштириш ва тизим фаолиятини трансформация қилиш бўйича “йўл харитаси”нинг 2-банди ижросини таъминлаш мақсадида **Хорижий инвестицияларни жалб этиш агентлиги тизимида “ягона дарча”** тамойили асосида фаолият юритувчи **Инвесторлар маркази** ташкил этилди.

Шунингдек, “Ўзбекистоннинг ягона инвестиция портали”да (www.invest.gov.uz) “ягона дарча” тамойили асосида “онлайн” режимда **Марказ хизматларининг фаолияти йўлга қўйилди.**

Россия, Япония, Венгрия, Покистон, Италия ва бошқа давлатардан келган салоҳиятли хорижий инвесторларнинг давлат органлари билан учрашувларини ташкиллаштиришда ҳамда алоқа ўрнатишда кўмак берилди.

VIII. Маҳаллий тадбиркор ва хорижий инвесторлар мурожатига асосан тармоқ ва соҳалар инвестиция салоҳияти, инвестиция соҳасидаги қонунчилик, шу жумладан амалдаги имтиёзлар тўғрисида **25 та** ахборот таҳлилий материаллар ишлаб чиқилди.

IX. Вазирлик раҳбарияти ҳамда Агентлик иштирокида ўтказилган тадбирлар бўйича **23 та** хабар ва мақолалар, Республикамизнинг инвестицион муҳитига тегишли масалалар бўйича **22 та** янгиликлар **Агентлик веб-сайти, LinkedIn** ва ижтимоий тармоқларда жойлаштирилди.